

Guangjisi Minzcu Bau

ganhhau: CN45-0036 B.2017 Nd.1 Ng.4 liggaueq bingjsaen nienz ndwenlab cocaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3256期

Ningzmingz Yen 《Sinhvwnz Vahcuengh》 Cezmuz Haicuengq Ndaej Haenhndei

宁明县《壮语新闻》节目开播获点赞

Ningzmingz Yen 《Sinhvwnz Vahcuengh》cezmuz daj bi 2007 ndwen 10 haicuengq daengz seizneix, vunzlai sou yawj mboujduenh gyalai, ndaejdaengz vunzlai haenhndei.

It dwg dox boiqhab, daezsang cezmuz caetliengh. Bi 2016, 《Sinhvwnz Vahcuengh》cezmuz laebdaeb haicuengq, youq seiz boqcuengq ging-gvaq, Ningzmingz Yen Minzyijban caeuq Yen Gvangjdengiz dox boiqhab, doengzcaez damqra, cezmuz neiyungz dawz senhconz fuengcim cwngecwz dangj caeuq guekgya, gohyoz cihsiz, gingniemh baenz fouq guhcawj, daezsang le gij naengzlig boqcuengq caeuq caetliengh cezmuz.

Ngeih dwg gajndeix cezmuz, gya-

vangq boqcuengq lai dieg cwgoemq. Doenggvaq dingq gij bihbingz yigen lingjauj, lauxhangz caeuq doengzhangz, Ningzmingz Yen Minzyijban caeuq densidaiz 《Sinhvwnz Vahcuengh》lanzmoegcuq boux guhhong roengzrengz gajndeix gij boqcuengq neiyungz caeuq vah boqyaem cezmuz, neiyungz depgyawj saedceij beksingq lajmbanj, vahgangj yungh vahdeih-fueng, ceng'aeu dawz 《Sinhvwnz Vahcuengh》banh baenz gij densi cezmuz hawj gyoengq vunzlai Bouxcuengh haengj yawj gyaed dingq haenx. Seizneix, 《Sinhvwnz Vahcuengh》gaenq doenggvaq mizsiengq densi vangjloz cwgoemq daengz daengx yienh 13 aen yanghcin 51 aen hingzcwngcunh, 23

fanh gyauejvunz, bi 2016 daeuj, gungh boqcuengq 44 geiz 96 baez.

Sam dwg cingjhab swhyenz, baujmaenh haicuengq 《Sinhvwnz Vahcuengh》. Gij cingzgvang vunz giepnoix, sezbei haemq noix, ngaenz-cienz mbouj gaeuq, Ningzmingz Densidaiz ndaej haekfug hojnanz, cingjhab swhyenz, baujmaenh haicuengq 《Sinhvwnz Vahcuengh》, caemhcaiq haicuengq cingzgvang cingqciengz gvaq binaengz, hawj vunzlai dieg Bouxcuengh lai cungj vwnzva ngaizhoengh ndeu, vih henho dieg gapgyaiq vwnzva vahgangj ancienz gyalai faq ciengz ndeu.

(Vangz Danh/王丹 Sinh Gyahbingz/申家萍)

SIUSIK DINJ

简讯

● 2016 nienz 12 nyied 28 hauh, Mungzsanh Yen banh eu fwen doxdax angqhoh 2017 nienz yenzdan, 30 boux canghfwen gak minzcuz daj daengx yienh gak yanghcin daeuj haenx camgya eu fwen doxdax, baez doxdax neix neiyungz fungfouq lai yiengh, canghfwen gak minzcuz roengzsim eu fwen, ndaejdaengz yienh-cienz bouxyawj haenhndei, fungfouq le saedceij vwnzva gak cuz beksingq, hawj gyoengqde gvaq mbat yenzdan angqyangz vuenyungz he.

(Gyangh Yungjluz)

● Yenzdan geizgan, miz haujlai hekyouz bae Gungh-cwngz Yauzcuz Swciyen yawjgonz youzset, vih hawj hekyouz lai roxyiuj Gungh-cwngz, aen yienh neix haiguh baenzdaug Yauzcuz vwnzva hozdung fungfouq lai yiengh, hawj gyoengq hekyouz roxyiuj Yauzcuz vwnzva caeuq heiqsik bonjdieg Gunghcwngz.

(Coux Binjiuh Cinz Linz)

● 2016 nienz 12 nyied 30 hauh, doih aenvenz hagseng Yungzsuij Myauzcuz Swciyen Minzcuz Cunghyoz haiguh "cauxeiq coux bi moq" hozdung, gyoengq hagseng yungh gak cungj fuengsik baij baenz cih "2017" ingj siengq louz-niemh, caemhcaiq guh Myauzcuz conzdungj rag gyong doxdax dem, angqhoh bi moq daeujdaengz.

(Lungz Dauh)

● Gaenh bi neix daeuj, Dasinh Yen Leizbingz Cin Houyi Cunh Mbanjfuzginh ciuq dieg bae guh, cungfaen leihyungh raemx lai, dieg-namh hab ndaem biek daengj swhyenz ndei, habdangq hwngfat ndaem biek, gyalai souhaeuj, yungh gij vunqsik oij-haeuxnaz-byaek doxlwnz ndaem, yungh bwnhranz, daeuh daengj bae dwk lwgbiek, byaek, gij byaek, biek ndaem okdaeuj haenx miz gij daegdiemj rang, van, byoiq daengj, ndaejdaengz bouxcawx haengjgyaez.

(Luz Sezfangh)

Cingsih: Haiguh Yungh Vahcuengh Gangj Gojgaeq Doxdax "Coux Bi Moq"

靖西: 开展“迎新年”壮语讲故事比赛



Vih fungfouq vwnzva saedceij ndawhag, gikfat gij yinxdaez hagseng doegsaw, daezsang gij naengzlig hagseng yungh Vahcuengh gangjgoj caeuq yienjgangj. 2016 nienz 12 nyied 30 hauh, Cingsih Si Vadung Cungsim Siujyoz haiguh yungh Vahcuengh gangj gojgaeq doxdax "coux bi moq", 34 boux hagseng daj Vadung Cin Cungsim Siujyoz, Sanhyouj Siujyoz, Veizsinh Siujyoz daengj daeuj haenx camgya baez doxdax neix. Ndaw doz dwg hagseng cingq yungh Vahcuengh gangj gojgaeq.

(Vangz Anhcungh/黄安忠)

Vujmingz Gih Song Hanghmoeg Ndaej Senjhaeuj Swcigih Feihyiz Mingzloeg

武鸣两项目入选自治区非遗名录

Mboengqneix, Swcigih goengboubh buek daihroek swcigih gaep feihvuzciz vwnzva yizcanj daiyaujsing hanghmoeg mingzloeg, Namzningz Si Vujmingz Gih bauq 《Gij Cienzgangj Byagijfung》nem 《Hawfwen Bouxcuengh Lingzsuij》gnwz buengj miz mingz.

Byagijfung dwg bet gingj gaeuq Vujmingz ndawde dieg ndeu, youq Vujmingz Gih Cwnzgsienh Cin Yavangz Cunh henz Dahyanghsanh, youh heuh Byafunghvuengz. Riuznaeuz Byagijfung cujau dwg aen gojgaeq "duzfung"、cienzgangj Gvangjdwz Gunghcuq daengj lai aen neiyungz

gapbaenz, doiq yenzgiu vwnzva Bouxcuengh caeuq vwnzyoz Bouxcuengh gig youqgaenj. Hawfwen Bouxcuengh Lingzsuij dwg hawfwen vunz Bouxcuengh Vujmingz Gih youq liggaueq sam nyied sam, bet nyied cibngux geizgan youq henz raemx Lingzsuij eu fwen, daj ciuhgeq daengz seizneix, hawfwen Bouxcuengh Lingzsuij hoenghhdw mbouj nyieg, seizneix Huzlingzsuij gaenq baenz dieg banh fwenvuengz Bouxcuengh Guengjsae doxdax ndeu. Hawfwen Bouxcuengh Lingzsuij daegsaek yienhda, doiq fatyienz vwnzva Bouxcuengh maenhndei miz youqgaenj yiye, hix miz gij

gyaciz lizsijyoz、minzsuzyoz youqgaenj dem.

Lai bi gvaqdaej, Vujmingz Gih daj gyauej daengz riengz gvancez gij guhhong fuengcim "baujhoh guhcawj, ciengjgouq daih'it, hablex leihyungh, swnjcienz hwngfat", netsaed guh ndei hong baujhoh, guenjieix caeuq swnjcienz feihvuzciz vwnzva yizcanj daiyaujsing hanghmoeg. Daengz seizneix, singzgiu gak gaep feihvuzciz vwnzva yizcanj hanghmoeg mingzloeg, gungh miz guekgya gaep hanghmoeg hangh ndeu, swcigih gaep hanghmoeg 9 hangh, si gaep hanghmoeg 14 hangh.

(Fangh Haijsu/方海仕)